

## **EUSKADIKO EKONOMIA ETA GIZARTE ARAZOETARAKO BATZORDEAREN KOMUNIKAZIOAREN ZERBITZUAK KONTRATATZEKO ADMINISTRAZIO BALDINTZEN AGIRIA**

### **1.- KONTRATUAREN XEDEA**

Agiri hauek lantzen duten kontratuaren xedea “Komunikazioaren Zerbitzuak” egitea izango da, espedientean agertzen den baldintza teknikoek agiriak berariaz deskribatzen dituen jarraiki.

### **2.- ERAKUNDE KONTRATUGILEA ETA KONTRATAZIO ORGANOA**

Erakunde kontratugilea Euskadiko Ekonomia eta Gizarte Arazoetarako Batzordea (aurrerantzean, EGAB) da.

Kontratazio-organoa EGABko batzordeburua da.

### **3.- ARAUBIDE JURIDIKOA**

Agiri honetan jasotako kontratua administratiboa da eta azaroaren 14ko 3/2011 Errege Dekretu Legegileak -Sektore Publikoko Kontratuaren Legearen testu bategina (aurrerantzean SPKLTB) onartzekoak- eta hura garatzeko xedapenek arautuko dute; horiez gain, administrazio zuzenbideko gainerako arauak eta, halakorik ezean, zuzenbide pribatuko arauak ere aplikatuko dira.

Administrazio klausulen agiri honek, agindu teknikoek agiriak eta erantsitako gainerako dokumentuek kontratu izaera izango dute. Kontratuak agiri honen edukari lotuko zaizkio eta haren klausulak kontratuen partetzat ere joko dira.

Kontratuak, erantsitako dokumentuak, edo administrazioak hitzartutakoa betetzeko ematen dituen jarraibideak, agiriak edo bestelako arauak ez ezagutzeak ez du kontratista haiek bete beharretik askatuko.

Agiri hau eta kontratuko gainerako dokumentuetako edozein bat ez baletoz, Administrazio-klausulen agiria nagusituko da, bertan baitaude kontratuko alderdiek onartutako eskubideak eta betebeharrak.

### **4.- LIZITAZIO-AURREKONTUA ETA KONTRATUAREN PREZIOA**

Kontratuaren xede diren zerbitzu guztietarako urteko prezio orokorra eskainiko da.

BEZrik gabe, urtean kontratuaren zenbatekoa 58.600 euro izatea kalkulatuta dago.

Kontratuaren prezioa esleipenaren ondorioz ematen den hori izango da, eta balio erantsiaren gaineko zerga aparteko partida batean sartuko da.

Kontratuaren prezioaren barruan sartutako emango dira aplikatutako erantsitako zergak, tasak eta kanonak, bai eta esleipendunak agiri honetan jasotako betebeharren ondorioz izaten dituen gastu guztiak ere.

## **5.- KONTRATUAREN EPEA**

Kontratuak BI URTEKO indarraldia izango du, kontratua sinatzen den unetik zenbatzen hasita. Hala eta guztiz ere, kontratuaren gauzatze-epea amaitzen denean, enpresa esleipendunak kontratu berria legeztatu arte zerbitzua eskaintzen jarraitu beharko du. Halaber, kontratuaren baldintzak mantendu beharko ditu.

## **6.- KONTRATATZEKO GAITASUNA**

Honako hauek dute kontratatzeko ahalmena: pertsona fisiko eta juridikoak, espainiarrak edo atzerritarrak, jarduteko erabateko gaitasuna dutenak eta agiri honetan ezarritakoaren arabera kaudimen ekonomiko, finantzario eta tekniko edo profesionala egiaztatzen dutenak, eta kontratuaren helburuari dagokion gaikuntza profesionala dutenak.

Era berean, kontratatzeko SPKLTBak 60. artikuluan xedatutako debekurik ez dute izango eta kaudimen ekonomikoa nahiz finantzarioa eta teknikoa, SPKLTBak 74., 75. eta 78. artikuluetan xedatutakoarekin bat egiaztatu beharko dute.

Kontratuak egiteko, enpresariak gutxieneko kaudimen ekonomiko, finantzario eta teknikoko gutxieneko baldintzak bete beharko dituzte eta jarraian eskatutako agirien bidez frogatu beharko dute:

### **5.1. Kaudimen ekonomikoa eta finantzarioa:**

Bide hauetako bat edo hainbat baliatuta egiaztatu ahalko da:

- Finantza erakundeen txostena, edo, hala badagokio, lizitatzailleak arrisku profesionali aurre egiteko kalte-ordain aseguru bat baduela ziurtatzen duen agiria.
- Enpresaburuak izanez gero, urteko kontuak aurkeztu beharko dira.
- Enpresak azken hiru urteetan egindako lanen guztizko negozio kopuruari buruzko aitorpena.

### **5.2. Kaudimen teknikoa edo profesionala**

Kaudimen tekniko edo profesionala lizitatzaillearen ezagutza teknikoak, eraginkortasuna, esperientzia eta fidagarritasuna kontuan hartuta baloratuko da.

## **7.- ADJUDIKAZIO PROZEDURA**

Lizitazio hau publizitaterik gabeko prozedura negoziatuaren arabera egingo da, SPKLTBko 170. eta 174. artikuluei jarraituz.

Prozedura horren babesean, esleipena kontratazio-organoak modu arrazoituan hautatu duen eskaintzailearen alde egingo da, hautagai desberdinekin kontsultatu eta batekin edo batzuekin baldintzak negoziatu ondoren.

## **8.- PROPOSAMENEN AURKEZPENA**

Eskaintzak Euskadiko EGABren egoitzan aurkeztu beharko dira (Kale Nagusia, 81, 7.a, 48011 Bilbo), **2015eko azaroaren 30eko 14:00 baino lehen**. Postaz ere egin ahal izango da. Halakoetan, enpresak postetxean bidaltze-data justifikatu beharko du, baita Euskadiko EGABri bidali duela iragarri ere. Bi jarduerak, dokumentazioa bidali eta bidali dela iragartzea, finkatu den aurkezpen-epea (data eta ordua) bukatu baino lehen egin beharko dira.

Enpresek eskaintzak bi gutun-azal itxietan aurkeztuko dituzte: 1 eta 2 izenekoetan. Horietako bakoitzean, barruan zer duten (ondoren adieraziko den bezala) eta lizitatuzailearen izena zein den adieraziko da.

**1. gutun-azala:** Honako izenburua izango du: "Agiri orokorrak", eta hurrengo agiriak izango ditu:

**1.-** Lizitatuzailearen nortasunaren egiaztatzea:

- a. Lizitatuzailearen nortasun agiria (notarioak egiaztatutako fotokopia), pertsona fisikoen edo banako enpresaburuen kasuan.
- b. Enpresaburua pertsona juridikoa bada, Merkatu Sozietatearen eratze eskritura, Merkatu Erregistroan behar bezala inskribatua, edo eratze agiriak, estatutuak edo fundatze egintza, dagokion erregistro ofizialean inskribatutako jarduerari buruzko arauak azaltzen dituztenak, eta legezko ordezkariaren nortasun agiria.
- c. Ahalmen eskrituraren kopia, beste norbaiten ordezkari gisa jarduten bada, bai eta haren nortasun agiriaren fotokopia egiaztatua edo notario lekukotza ere. Lizitatuzailea pertsona juridikoa bada, ahalmen horrek Merkatu Erregistroan egon beharko du inskribatua.

**2.-** Hala badagokio, Jarduera Ekonomikoen gaineko Zergan alta emanda egotea, kontratuaren xedeari dagokion epigrafean, eta lizitazioaren unean ordainduta edukitzea legez exiji daitekeen urtealdi / aldiko ordainagiria. Zerga ordaintzera behartuta ez badago, halako betebeharrak ez duela dioen aitorten erantzulea.

**3.-** Estatuko, erkidegoko eta udalerriko zerga betebeharrak eta Gizarte Segurantzaren kuotak ordainduta dauzkala egiaztatzen duen agiria edo aitortpena. Esleipendun izateko proposatua izanez gero, lizitatuzaileak konpromisoa hartuko du baldintza horiek betetzen dituela egiaztatzen duten agiriak aurkezteko.

**4.-** Eskaintzailearen aitorten arduratsua, SPKLTBak 60. artikuluan aipatzen dituen kontratatze debekurik eta indarreko legerian aurrez ikusitako gainerako debekurik ez dituela adierazten duena.

**5.-** Kontratatzen fax zenbakia edo helbide elektronikoa, ebazpenen eta kontratazio espedientearekin zerikusia duten ebazpenen eta gainerako egintzen jakinarazpenak jasotzeko.

**6.-** Kaudimen ekonomiko, finantzario eta tekniko duela egiaztatzen duten agiriak, agiri honetako 5.1 eta 5.2 puntuetan ezarritakoaren arabera.

Lizitatuzaileak **Eusko Jaurlaritzaren Kontratisten Erregistroan izena emanda dagoela egiaztatzen duen agiria** aurkeztu beharko du, ez du aurkeztu beharko 1. eta 5. idatz-zatien artean adierazitako

nortasunari eta ordezkartzari buruzko agiririk, baldin eta ordezkaritza aurkeztutako agirietan agertzen den berbera eta kontratuko jarduera berbererako bada.

Eusko Jaurlaritzaren Kontratisten Erregistroko ziurtagiriarekin batera, lizitatzaillearen aitortpen erantzule bat aurkeztu beharko da, hor agertzen diren inguruabarrak ez direla aldatu dioena.

**2. gutun-azala:** honako inskribapena izango du: **“Eskaintza ekonomikoa eta teknikoa”**. Hurrengo agirian sartu beharko dira:

**1) Eskaintza ekonomikoa**

Proposamena behar bezala sinatuta eta datatua egongo da eta eskainitako zerbitzu bakoitzaren kostua zehaztu beharko du.

**2) Eskaintza teknikoa**

Eskaintzaren balorazio orokorra egingo da, besteak beste, 9. puntuan deskribatutako parametroen arabera.

**9.- ESLEITZEKO IRIZPIDEAK**

Lehiaketa adjudikatzeko oinarri bezala hartuko diren helburu objektiboak gehienez 100 punturen gainean baloratuko dira.

Garrantzian goitik beherako ordenan, lehiaketa adjudikatzeko oinarri bezala hartuko diren irizpide objektiboak honakoak dira eta islatzen diren ehunekoekin bat balioztatuko dira:

- Eskainitako preziorik txikiena. Gehienez %50.
- Eskainitako proiektu teknikorik onena. Gehienez %50.

Eskaintza ekonomikoetan Euskadiko EGABrentzat zerbitzuaren kostu guztia kontuan hartuko da eta eskaintza ekonomiko onenari gehieneko puntuazioa emango zaio.

Bigarren irizpidea, hau da, proiektu teknikoa balioztatzeko, komunikazio-estrategia eta zerbitzuen kalitatean zorrotasuna kontuan hartuko dira. Lizitatzailleak aurkezten dituen hobekuntzak kontuan hartuko dira: kontratazioaren xede diren zerbitzuekiko prestazio gehigarriak edo osagarriak, Euskadiko EGABren komunikazioan hobekuntzak, kontratazio honekin zerikusia duten zereginak gauzatzeko lizitatzaillearen giza baliabideak, Euskadiko EGABren gorabeherak monitorizatu, kudeatu eta ebaztea nahiz zerbitzuak hobe ezartzen, baita, ondoren, hobe ustiatzen ere lagunduko duten bestelako hobekuntzak. Horiek ekonomikoki baloratu ahal izango dira eta lizitazioaren prezioarekiko ez dute kostu gehigarriak izango. Halaber, eguneroko kudeaketan laguntzen duten produktu diferentzialak eskaintzea kontuan hartuko da.

Esklusiboki lizitatzailerak aurkeztutako agirien gainean baloratuko da.

## **10.- KONTRATUA GAUZATZEA**

Euskadiko Ekonomia eta Gizarte Arazoetarako Batzordeak eta kontratistak kontratu bat formalizatu beharko dute, dokumentu pribatuan, 15 egun balioduneko epean, esleipena argitaratu eta hurrengo egunetik aurrera.

Halaber, esleipendunak administrazio baldintzen eta baldintza tekniko berezien agiria sinatu beharko du, non eta ez dion sinatzeari uko egiten, dokumentuan jadanik adierazi duelako ezagutzen dituela baldintzak eta oso-osorik onartzen dituela.

## **11.- ADMINISTRAZIO ETA JURISDIKZIO ESKUDUNAREN ESKUBIDEAK**

11.1.- Mugen baitan eta SPKLTBan adierazitako baldintzak eta ondoreak aintzat hartuta, kontratazio organoak administrazio-kontratuak interpretatzeko, hori betetzean sor daitezkeen zalantzak argitzeko, horiek interes publikoaren arrazoiengatik aldatzeko, ebazteko eta horren ondoreak zehazteko (SPKLTBko 210. artikulua) eskumena du. SPKLTBko 211. artikuluan bildutako prozedura errespetatu beharko da.

11.2.- Administrazio bideari bukaera ematen dioten erabakien aurka bidezko izango da administrazioarekiko auzi-errekurtsoa jartzea, jurisdikzio hori arautzen duen Legean xedatutakoari jarraituz. Interesdunek haren aurka berraztertze errekurtsoa aurkeztu ahalko dute, Herri Administrazioen Araubide Juridikoari eta Administrazio Prozedura Erkideari buruzko 30/1992 Legearen 116. eta 117. artikuluetan aurreikusitakoa.

Bilbo, 2015eko azaroaren 13a  
Francisco José Huidobro Burgos  
Batzordeburua